

**Brjef landshöfðingja til sýslumannsins í Mýra- og Borgarfjarðarsýslu um 146**  
 endurborgun á ofgreiddu aðflutningsgjaldi af rauðavini. — Í brjefi dagsettu 8. ágúst 3. des.  
 f. á. skýrði hinn páverandi sýslumaður í Mýra- og Borgarfjarðarsýslu frá, að Böðvar  
 kaupmaður Þorvaldsson á Skipaskaga hefði krafizt endurgjalds á tolli, er ranglega hefði  
 verið heimtaður af honum í júnímánuði næst á undan af vínföngum, sem höfðu flutzt  
 til hans frá Bergen með skipinu «Columbus»; hann hefði semsje verið krafinn um og  
 greitt toll af 100 flöskum víns með 45 aurum af flösku hverri . . . . . kr. 45,00  
 í stað þess að hann, með því að vinið á flöskunum var rauðavín, aðeins  
 hefði átt að greiða í toll af því 15 a. af pottinum, eða samtals . . . . . — 11,25  
 og hefði hann því ofborgað . . . . . kr. 33,75  
 Honum hefði samt verið neitað um að fá þessa upphæð endurgoldna vegna þess, að í  
 vottorði því, sem hinn danski konsúll í Bergen hafði ritað á tollskrá áður nefnds skips,  
 hefðu verið tilfærðar 100 flöskur víns, en ekki tilgreint að það væri rauðavín.

Nú hefir fyrnefndur kaupmaður farið þess á leit við mig, að sjer verði endur-  
 goldnar úr landssjóði áminntar kr. 33,75, og með því hann hefir sannað bæði með  
 vöruskrá skipsins Columbusar á umgetinni ferð og með reikningi frá hlutadeigandi vín-  
 sala, að þær 100 flöskur víns, sem tilgreindar voru á tollskránni, höfðu inni að halda  
 rauðavín (St. Julien), þá verð jeg að ætla, að hann hafi við áminnt tækifæri ofborgað  
 í toll af þessum vínföngum kr. 33,75, sem hann því eigi að fá endurgoldnar. Jeg skal  
 því þjónustusamlega skora á yður, herra sýslumaður, að greiða Böðvari kaupmanni Þor-  
 valdssyni á Skipaskaga kr. 33,75 af aðflutningsgjaldi því, sem þjer hafid innheimt fyrir  
 landssjóð á yfirstandandi ári, og færa þær til útgjalda í aðflutningsgjaldsreikningi yðar  
 með skýrskotun til þessa brjefs.

**Brjef landshöfðingja til amtmannsins yfir suðuramtinu og vesturamtinu um 147**  
 skiptingu Rosmhvalanesshrepps í 2 hreppa. — Með þóknanlegu brjefi 30. október síð- 3. des.  
 astliðinn hafid þjer, herra amtmaður, sent hingað útskrift úr sýslunefndarþók Kjörsar-  
 og Gullbringusýslu, sem sýnir, að sýslunefndin hefir lagt það til samkvæmt ósk hrepps-  
 nefndarinnar í Rosmhvalanesshreppi í erindi til sýslunefndarinnar, dags. 8. júní þ. á.,  
 er einnig fylgdi brjefi yðar, að hreppi þessum verði skipt í 2 sveitarfjölög og hafid þjer  
 jafnframt mælt með því, að jeg samþykki hina eptiræsktu hreppaskipting á þann hátt,  
 er sýslunefndin hefir stungið uppá.

Fyrir því skal samkvæmt 23. gr. sveitarstjórnartilskipunarinnar 4. maí 1872  
 skipað svo fyrir sem hjer segir:

1. Rosmhvalanesshreppi í Gullbringu- og Kjósarsýslu skal skipt í 2 hreppa, þannig  
 að innri hreppurinn nái yfir Keflavík, Leiru, Inn- og Út-Garð allt að landamerkj-  
 um milli Útskála og Kirkjubólshverfis og nefnist sá hreppur Rosmhvalanesshreppur,  
 en hinn hreppurinn nái frá greindum landamerkjum suður að syðri landamerkjum  
 Stafness við Ósabatna og heiti Miðnesshreppur, með þessum landamerkjum: frá Litlu-  
 flöð, er liggur fast sunnan við Garðskagaflöð í fjöru beint sem sjónhending ræður  
 eptir fornaldar garðlagi uppí svonefndan Draughól á Skaganum, þaðan að Skálareykja-  
 rjett, þaðan sjónhending að Kólku á Háleyti, þaðan að Gömluþúfu sunnantil á Háa-  
 leyti, þaðan að Beinhól; þaðan í sjó eptir Djúpavog við Ósabatna.
2. Öllum eignum, sveitarþyngslum og skuldum hins núverandi Rosmhvalanesshrepps,  
 31. dag desembermán. 1886.

147  
3. des.

þeim sem verða þegar skiptingin fer fram, skal skipt á milli hinna nýju hreppa þannig að Rosmhvalanesshreppur hljóti og beri af þeim tvo hluti en Miðnesshreppur einn, og eptir sama hlutfalli skal fara um sveitarþyngsli, er síðar kunna að koma til og sem eiga rót sína í fjelagsskap þeim, er hingað til hefir átt sjer stað milli hinna nýju hreppa.

3. Aðskilnaður hreppanna skal fara fram undireins og amtmaður hefir ákveðið tölu hreppsnefndarmanna í hvorum hreppi fyrir sig, samkvæmt 2. gr. sveitarstjórnartilskipunarinnar og hinar nýju hreppsnefndir þareptir hafa verið kosnar, en þær skulu síðan framkvæma skiptinguna á eignum, skuldum og sveitarþyngslum, og verði ágreiningur útaf skiptingunni skal skorið úr honum af sýslunefndinni.

Þetta tilkynnist yður hjermeð, herra amtmaður, til þóknanlegrar leiðþéiningar og frekari birtingar, að því viðbættu, að með framangreindri fyrirskipun er engin breyting gjörð á Rosmhvalanessþinghá, hvorki sem manntalsþinghá nje sem dómþinghá.

148  
29. des.

Brjef landshöfðingja til landfógeta um hallærislán handa Barðastrandarsýslu. — Með brjefi þessu veitti landshöfðingi Barðastrandarsýslu með venjulegum kjörum allt að 2600 kr. lán úr landssjóði til að afstýra hallæri í sýslunni á þessum vetri.

149  
30. des.

Brjef landshöfðingja til amtmannsins yfir suðuramntinu og vesturamntinu um skatt af húsum í verzlunarstöðum. — Í brjefi, dags. 10. þ. m., sem hingað kom beina leið, hefir hinn setti sýslumaður í Mýra- og Borgarfjarðarsýslu getið þess, að síðan húsaskattslögin 14. desbr. 1877 öðluðust gildi, hafi þeirri reglu verið fylgt í nefndri sýslu, að heimta ekki skatt af húsum, sem notuð sjeu við ábúð á jörð, er metin sje til dýrleika, án tillits til þess, hvort húsið sje í verzlunarstað eða ekki, en af því að hann álíti, að þetta komi í bága við 1. gr. nefndra laga, þarsem skilyrðislaust sje boðið að greiða skatt af öllum húseignum í kaupstöðum og verzlunarstöðum landsins, þá hafi hann hugsað sjer að fyrirskipa virðing á þeim af slíkum húseignum, er eigi hafi áður verið virtar, og innheimta síðan skatt af þeim, en óskar þó áður staðfestingar á þessum skilningi sínum á húsaskattslögunum.

Fyrir því vil jeg hjermeð biðja yður, herra amtmaður, að tjá nefndum sýslumanni, að jeg álít ofangreindan skilning hans á húsaskattslögunum rjettan.

#### STYRKUR ÚR LANDSSJÓÐI.

Samkvæmt fjárlögunum fyrir árin 1886 og 1887.

10. gr. C. 4.

Samkvæmt tillögum amtmannsins yfir norður- og austuramntinu fyrir hönd amtsráðsins þar, var af þeim 1550 kr., sem getur um í Stj.tíð. 1886 B, bls. 123, skipt 1527 kr. milli 25 búnaðar- og framfarafjelaga í amntinu sem hjer segir: